

ELINA ZANIER FALESCHINI

Giviano

Giviano, lu pì alt paisut dal cumun di Rigulât, al è a 1105 metros sul mâr. A cjalâlu sù al samêo inpirclât su pe mont; cjalându, invezò, dal plan di Vâs, sôro Ludario, a sci zûro ch'al è un plet, tal miec' quâsci de tavièlo.

Nissun à savût di cui c'û poiâ lu prin clap dal paisc'. Cui disc' un cjaradûor, cui un boscadûor, cui un tadesco fuît, adirituro, da uno galêro de Gailo.

Da dontri èrel mai rivât?

Par Clapos no, di sigûr. Cu da Mielli al fos vignût fôr par Pèit? U des monz? Altro Pas di mont di Crûosc'? U fôr pe Valentino, Volαιο, Cjaso Borecàn? U da Temau, GRAN FORCJO, Plumbs?

A no sci sa propi.

Partint de cjâso pì vecjo dal paisc', ch'e jè chê di Chechè, nûo j pensin

cu, in chê vòlto, al puèst de fontano, al fòs stât un puciut 'e cu lui ai 'a sci fòs fermât a bevi 'e 'a pausâ.

Ch'a sci sêti inbatût a cjalâ lu spettacol cu la natûro u la man di Dîu 'e à fat a lassù? Spetacol ch'al fâsc', vuîo cumi di, restâ di stuc sul placiâl, chel ch'al met pè a Giviano pe primo vòlto?

Chel al jôc las monz che sci dâ la la man fin te Bûso; l'Arvenis di uno bando; di front lu Pic di Talm e la Creto Spiciòto; su la gjèstro lu Chialdenis e las crêtos dal Peralba a formo di gèi; e, sôro lu paisût, lu bosc ch'a lu protêc'; ch'ai rinfrescjo l'ario e 'a i dà las legnos; e, a lajù, la Grant Ago ch'e scôr enfro claps granc' e picui, cidino cidino, neto e trasparint.

Di ca e di là dal cjanâl al jôc iù pais poiâz tal vert e c'û di di 'e j sci

spièlo te âgo e di not 'e j sci emplo di lusuruz.

Dal placiâl, dulà cu prin de secondo vuèro mondiâl e j vevo fat las fondos de glísio (mai âti fato) e dulà cu vuò es sci fermo las machenos, al comèncio lu païsc': las sôs cjâsos, grandos e bièlos, 'e son dutos sot mont, ma dispunùdos ben: la cjâveno tal fresc; la cusino in sariali; lu puàrti al dà su las scjalos, ch'es meno tes cjâmeros plenos di lusc' e di ario sano. Quasci dutos es àn un bieliscim bagno e l'âgo in cjâso. Ce bielècio e ce cumuditàt! Lu buvinc' e iù cjaldèrs 'e j saran finiz sul dâlt!?

Ogni cjâso e à la sô cort e ogni cort, un viac', la sô bancjùto, dulà cu la sero, finiz iù lavùors e iù servisis, la int 'e tiravo lu flât. Ce tanto strachecio tar chei vuòi scodernez!

Enc' la glísio, tal mièc' dal païsc, 'e à la sô cort. A ì puèms e oms, in gringulos, la demenio, 'e j sci cjâto, 'e j sci spuàrc' la man, 'e j sci passo la peravolo, 'e j sci conto las nuvitâz.

Prin di rivâ sù de glísio, 'e jè l'o-stariò al « Cacciatore », vuò bâr. Al 'e j finivo uno vòlto, ai 'ej finisc' cumò iù giòvens e iù vecjus pe biso-deàdo. E ce bàbios a cjatâ da di magari al prladi u' a tirâ adaziment Be-to con cu 'a ì è càpito pal zigher!

Puòsc' metros pin in jù 'e jè uno fontano, c'u l'âgo che còr di e not, frescjo, claro, puro. E nasc' sù sù, sot Goventâsc', sôro Ruvisc'. A nol è, aloro, da miriveàsci con cu ei prins di mài, chê, e sa da nîov.

Dôs es ero las fontanos un viac'. A buinoro e la sero 'a nol ero il casc' di vizinâlos. Las femenos es ero a urî l'âgo pes vâcjos. Es perecjâvo tal cjûot las selos plenos a buinoro par desde-sèros, e la sero par tal indeman. Cus-

sì las vâcjos es bevevo pi' volantêr l'âgo sclipido.

La pedràdo, su pe vilo, bieliscimo un viac', ruvinado cumò cu las reòntos e comedaduris no simpî fatos como cu Dîu comando, 'e va da pè fin in som dal paisut. Ce tantos ànimos cu sci incontravo su par che vîlo uno vòlto! E son cussì puòcjos, cumò! I sfidi jò! Par podîo vivi, volio u no, duc' 'ej àn scuignût sierâ la puarto. Vîo pa' l'invier qualchidun al torno sù a vedîo de âgo e dal tet. No man-cjo mai!

In àvost, invezo, la int 'e torno. Las cjâsos e iù balcons 'ej sci vierc'; iù cjamins 'e j fumo; iù fruz 'ej zûio; la glísio 'e sci emplo.

Tal simitieri, su las vâros, 'a sci jôc jù las rôsos.

Cumò, vuàjtisc', i mi domandarîos: — Di ce bando sci rivo a Giviàno? — Fôr par Clapos si tu vens da Vuè-zos. I no cjè consêi; 'e jè piriculoso; un pè in fal e tu plombos tal riù. Su par Clèvos, alòro. 'E jè un grum sfa-diòso. 'E j son trei kilometros, duc' in ribo. Si tu siòs brav, tu la fâs in tun oro e miezo. La pì luingio, ma pì comodo, 'e jè la carozabil. Parz'a Rigulât, tu passos puînt di Lans; tu voltos prin de galarîo, tu rivos sù a Tors, casolâr a trei kilometros da Giviàno cun sièt famèos.

In Autemos i tu jôcs la scuèlo, un viac' pleno di vito, di vosarîos, di zòcs, di cjânz, di còrsos ator dal curtîl; mutò, bandonado, sierâdo, vuò.

Pojâdo tal vert, cui balcons simpî fluriz, inluminado in plen dal sariali, la scuèlo 'e sameàvo davîor uno rôso.

Vuò e fâsc' dôl.

Chest lu Giviàno di un viac' e chel da cumò: quasci quatricent animos in che vòlto; circo uno dozino cumò. ●